

# Bòk-su 80 Hòe Chiok-hok Tèk-khan

Tī<sup>n</sup> Jī-giòk Bòk-su 80 Hòe Se<sup>n</sup>-jit ê Kám-giân

KLH Hōe-tiū<sup>n</sup> Tiu<sup>n</sup> Hók-chū

29<sup>th</sup>, June, 2002, Liân-hng Chhan-thia<sup>n</sup>, Ko-hiông-chhī

Góan kèng-ài koh thià<sup>n</sup>-sioh ê Jī-giòk Bòk-su,

1-tang chêng góan chiū teh kī-thāi kin-á-jit ê kàu-lîm.

Ta<sup>n</sup>, góan kī<sup>n</sup>-chin siū<sup>n</sup> beh kóng, sòa m̄-chai beh án-chóa<sup>n</sup> khui-chhùi!


Chai-ia<sup>n</sup> lí beh thè-hiu, góan tãi-ke ê sim-chêng lóng hoa<sup>n</sup>-hí kap pi-siong.

Góan ē hoa<sup>n</sup>-hí, in-ūi lí tùi chit-tiáp khí, m̄-bián koh ūi-tiòh sin-chiū<sup>n</sup> ê cháp-bū teh chhau-hōan; ē-tit-thang chiàu lí ka-kī ê ì-sù khi chò ka-kī kah-ì ê tãi-chì. Tit-tiòh ôan-chōan ê chū-iū. Thang chōan-sim kèng-ài kap hòk-sāi lí ê Chú, Thi<sup>n</sup>-pē.

Góan ē pi-siong sī in-ūi lí it-tān nā thè-hiu, góan chiū bô hoat-tō koh chhiâng-chāi ū ki-hōe thang tit-tiòh lí ê chí-tō kap tì-hūi ê siú<sup>n</sup>-sù. Che m̄-nā chin bô-chhái, siāng-sī mā kiám-chió kap pàng-bān góan chìn-pō ê ki-hōe kap khó-lêng.

Chit-má, góan tian-tò kám-kak chin m̄-kam!

Góan ē m̄-kam, m̄-sī lí beh lī-khui..góan. Tian-tò sī lí bô beh lī-khui..góan! Lí beh koh kè-siòk kā sī-kan, jiòk-thé kap tì-hūi koh hōng-hiàn hō lán ê pē-bú-ōe kap Tâi-gí-bûn. Lí beh koh kap góan tâng-chê chiap-sòa chò TGB ê sū-kang. Che hō góan kiàn-siàu kap m̄-kam! In-ūi góan chiah-ê siàu-liân..ê bô hū chek-jīm, bô kàu jīn-chin, chiah tiòh hō Bòk-su lí chiah kàu chit-ê nī-hòe iáu koh teh ūi Tâi-gí-bûn lâi cháu-chông kap chhau-hōan. In-ūi góan ê bû-ti chiah tiòh hō lí chiah-nih sin-khó!



Siū<sup>n</sup>-khí thâu-á hō Bók-su khan-kà, sī 1995 ê t̄ai-chì. Hit-pái Bók-su lâi Ko-hiông khui-khò, tī Kiú-jū-lō Tân Thiat-lâm ê hòk-bū-chhù. Chit-má sī Líp-úi Tân Kî-māi ê hòk-bū-chhù. Hit-pan lóng-chóng ū chiâ<sup>n</sup>-pah-ê hák-seng. Bók-su kám-kak lêng siu<sup>n</sup>-chē, chiū m̄ng khòa<sup>n</sup> sím-mih lêng ē-hiáu chhō-pō ê hoat-im. Góa chhut-sì gū-á m̄-bat hó<sup>n</sup>, chiū giáh chhiú, lóng-chóng ná-chhiū<sup>n</sup> ū 8 ê lêng giáh chhiú ê khoán. Chiū án-ne, góan chit 8 ê khai-sí chò gī-kang lâu-su! Siōng-khò ê sī, chiàu Bók-su ê chìn-tō kà hák-seng; pàng-óh liáu-aū, chiū tī chhù--nī h siá Bók-su kau-tài ê chok-giáp. Án-ne, góa ná kà mā ná óh, ná óh koh ná kà, tī put-ti put-kak tióng, pōe-iú<sup>n</sup> siá Pêh-ōe-jī ê ki-chhó! Mā-sī in-ūi án-ne, góa chia h tui POJ ū chhō-pō ê j̄n-bat! Che sī chin iàu-kín ê t̄ai-chì! Tī T̄ai-ôan, chiap-siū KBT ê

kàu-iók, lóng j̄n-tēng Hàn-jī chia h sī jī! Chit-ê chhò-ngō ê j̄n-ti nā bô kái--kòe, lán sít-chāi chin óh-tit thang CTT! Che mā-sī lán āu--lâi chō TLH ê gōan-in. Kàu chit-má, lán KLH kap TLH lóng-chóng mā ū beh 1,000 ê hōe-ôan. T̄ai-ôan Bó-gí mā í-keng chiâ<sup>n</sup>-chò hák-hāu ê pit-sóan khò-thēng! Sui-bóng lán iáu bô bóan-ì, chóng-sī ū chìn-pō lah! Chia h-ê sū-kang, ū 1-tōa pō-hūn sī in-ūi Bók-su ê khan-kà góa chia h ē-hiáu tit khi cheng-chhú..ê! Khah án-chóa<sup>n</sup> kám-siā sī bô kàu giáh lah!

Kin-á-jit, ū chia h-chē koan-sim T̄ai-ôan Bó-gí kap bûn-hòa ê chiân-pòe, pēng-iú kap tông-óh lâi chia ká Bók-su khèng-chiok 80 hòe ê se<sup>n</sup>-jit, góa chin siū kám-tōng. Iōng chia h-ê sim-lāi òe piáu-sī góa tui Bók-su ê kèng-ài kap kám-kek, mā kî-thāi Bók-su sin-thé khong-kiān chia h pah-jī. Chiok-hok t̄ai-ke sū-sū jū-ì.

To-siā. A-men!

Tī<sup>n</sup> Bók-su 80 Hòe Se<sup>n</sup>-jit Kám-giân

Ông Siok-tin

1995-nī ê chhun-kùi, góa tòe Tiu<sup>n</sup> I-su kap 1-t̄in pēng-iú khi Han-chî-hng chham-ka T̄ai-lâm Sîn-hák-ī<sup>n</sup> kí-pān ê T̄ai-gí Bûn-hòa Kàu-sek. Hit-ê sī-chūn Góa tui óh T̄ai-gí ôan-chôan bô khai -liām, mā bô bēng-khak ê bók-phiau. Kan-ta sī tī sin-thé siōng hi-jiók, sim-lêng siōng bô óa-khò ê sī, siū<sup>n</sup> beh thêh-lâi p̄ai-khián sī-kan chò gī-niū..ê. Siū<sup>n</sup>-bē-kàu sò in-ūi án-ne lâi chiap-chhiok tiòh pó-kùi koh cheng-bit ê Lô-má-jī. Koh sèk-sāi ká it-seng hōng-hiàn hō Siōng-tè kap T̄ai-ôan ê Tī<sup>n</sup> Jī-giok Bók-su, hō góa chhim-chhim thé-hōe tiòh

Tâi-gí kap Tâi-ôan bûn-hòa thôn-sêng--lòh--khì ê tiōng-iàu-sêng, bô hêng-tiong iā kái-piàn góa ê l-kóa siū<sup>n</sup>-hoat.

Kóng--khí--lâi chin kiàn-siàu, góan chit-tē sng-sī chin hêng-ūn, chin hó-miā ê l-tē-lâng. Góa chhut-si ê sī, Tâi-ôan ê keng-chè tú khai-sí teh khí-poe. Chiáh-chhēng bô khoeh-khiàm--tiòh, koh ū-thang khi hák-hāu thák-chheh, bat kóa jī. Ūi-hām ê sī góan siū ê kàu-iòk ôan-chôan thoat-lī Tâi-ôan siā-hōe. Hák-hāu bô kà góan jīn-bat ka-kī khiā-khí ê só-chāi, Tâi-ôan chit-tè thó-tē kap Tâi-ôan ê lèk-sú, tē-lí kap bûn-hòa. Góan ê su-sióng siū-tiòh sok-pák, góan bē-hiáu tók-lip su-khó. Chiông-lâi m̄-bat khi su-khó ka-kī tàu-té sī sím-mih lêng, beh chò sím-mih khoán lêng, eng-kai ūi siā-hōe chò sím-mih khah chià<sup>n</sup>-bīn ū ì-gī ê tã-chì.

Kàu chham-ka Tâi-gí Bûn-hòa Kàu-sek, khai-sí óh Tâi-gí liáu-āu, chiah chai-ia<sup>n</sup> góan-lâi góa it-tit hō lêng khòa<sup>n</sup>-khin ê bó-gí keng-jiân ū jī, jī-chhiá<sup>n</sup> iā-ū bûn-hoat, ū kui-lút kap kī-tha ê gí-giân kãng-khóan. Koh hoat-hiân tī góa iáu teh khùn, iáu bē kak-chhé<sup>n</sup> ê sī, chē-chē nī lâi, í-keng ū chē-chē lêng kian-sim it-chì teh chò pó-liú, thui-kóng, kap hoat-tián

Tâi-ôan gí-giân kap bûn-hòa ê sū-kang. Tī<sup>n</sup> Bók-su chiū-sī kī-tiong ê l-ê léng-tō-chiá. I niá-chhōa tãi-ke chìn-hêng chit-ê úi-tãi koh ū ì-gī ê sū-kang. Tī i beh óa 80 hòe ê hòe-thâu iáu

bô siū<sup>n</sup> beh thè-hiu tiàm chhù--nih khiau-kha lián-chhùi-chhiu, hiáng-siū jīn-seng ê tē-2 ê chhun-thi<sup>n</sup>. Ták-kang ūi-tiòh Tâi-ôan-jī pē-bú-ōe sì-kè teh cháu-chông, kóa<sup>n</sup> hóe-chhia lâi-lâi khi-khì teh siōng-khò. Bô-lūn thi<sup>n</sup>-khì kôa<sup>n</sup> jóah hó báí, hoa<sup>n</sup>-hí kam-gōan hù-chhut i chôn-pō ê sim-hiat. Chit-khóan cheng-sîn sit-chāi hō lêng ū-kàu khim-phòe.

Tī<sup>n</sup> Bók-su éng-óan sī lán hák-sip ê bô-hōan. Lán tãi-ke ū-iân tàu-tīn óh Tâi-gí, chò Tī<sup>n</sup> Bók-su ê hák-seng, sī lán ê hok-khì. Kin-á-jit, tãi-ke chin bô kán-tan chiah thang chò-hóe tī chia khèng-chiok Tī<sup>n</sup> Bók-su 80 hòe ê se<sup>n</sup>-jit, góa beh chiok-hok Bók-su se<sup>n</sup>-jit khòai-lók, sin-thé kiān-khong, bô hōan-ló. Koh beh chiok-hok lán Tâi-ôan kiā<sup>n</sup>-jip 21 sè-kí ê sin sī-tãi. Kiàn-lip chin-chià<sup>n</sup> chū-iú bīn-chú, ū jīn-khōan, ū kong-gī, ū bûn-bêng ê pang-kok.

Tē<sup>n</sup> Si-chong, Koa Khá-lē

“Lāu-sin í-keng 80--ah.”

“< -thang siá “Ngó-kun kim-chá hô-chhù khi” chit-khóan Tâi-gí.”

“Che kiò-chò La-bìn-chih chi kái.”

“Tâi-ôan ū phông-kó bô jû-kó; ū niáu-chhú bô in-chhú.”

“Siá Tâi-gí tiòh ài cheng-bit.”

“Lô-má-jī tōa-siá sió-siá ài hun chheng-chhó. M̄-sī kiò-sī siá tōa-jī chiū-sī tōa-siá, siá sè-jī chiū-sī sió-siá. Lín tiòh ài khi bé chho-tiong ê Eng-gí phō-á lâi liān-siá.”

“Lín m̄-hó tī ē-kha kóng-ōe. Téng-kôa<sup>n</sup> siá, ē-bīn mā tiòh liān-siá”

“Tâi-gí ê sia<sup>n</sup>-tiāu chiū-sī bûn-hoat.”

.....

Bók-su teh káng-khò kék-kî chhut-lát. Put-sī khòa<sup>n</sup> i tōa liáp kōa<sup>n</sup>, sè liáp kōa<sup>n</sup> tui thâu-hiáh lián lóh-lâi chhùi-phóe, chhiú-kin-á chhit bē lī, siah-chuh mā tò kah tâm-kô-kô. I iû-ôan pià<sup>n</sup>-kōa<sup>n</sup> kà-sī tãi-ke.

Koh 1-ê bók-su tak-nî Sèng-tān chiū ē thê-kóng ê kò-sū. Tī hit-ê kiông-kôan tók-chhài ê sī-tāi, tī hit ê hùn-khài pi-siong ê kôa<sup>n</sup>-thi<sup>n</sup>, Bók-su khi thàm-hóng Lâm Gī-hiông sian-si<sup>n</sup>

liáu-āu, chē tī Tâi-pak Chhia-thâu tui-bīn ê Hi-luh-thng teh lim ka-pi. Hit-sī chin chiap-kīn

Khu-li-suh-ma-suh, sim-chêng khiok sī chin tím-tāng. Ka-pi-thia<sup>n</sup> ū 1-ūi sió-chiá teh chàu “5 11 32 11, 5 6 1 6 5” chit-siú Sèng-tān koa. Tong-sī ū chin-chhē gōa-kok-lâng, só-í sió-chiá ēng chiok-chē kok gí-giân teh chhiù<sup>n</sup>. Bô-i-kò, hiông-hiông thia<sup>n</sup>-tiòh tōa<sup>n</sup> kng-khîm ê sió-chiá teh chhiù<sup>n</sup>, “Tī chit-ê bé-chô--nih, bô iô-nâ thang ēng...”. Bók-su kóng i hoa<sup>n</sup>-hí kah siū<sup>n</sup> beh cháu-khi kah hit-ê sió-chiá chim--1--ē.

Bók-su in-ūi cháu-chông kòe-thâu, ū-sī ē khùn bē khi, bat kiò Khale khui ài-khùn-iòh-á ê chhù-hng hō..i. Khale kā 1-bī siōng sin, siōng bô hù-chok-iōng ê iòh-á siāu-kài hō Bók-su. Khale kā iòh-á miâ “Stilnox” siá-tī piān-chóa téng, beh hō Bók-su chiū-kīn théh-khì hō Tâi-lâm Sin-lâu Pē<sup>n</sup>-ī<sup>n</sup> ê i-su chò khui iòh-hng ê chham-khó. In-ūi kia<sup>n</sup> Bók-su bē kì-tit hit tiu<sup>n</sup> chóa sī teh chhòng-siá<sup>n</sup>, Khale chin hó-ì kā i ê miâ “khale” iā siá-tī chóa--nih. Keh kúi kang, Bók-su khi-kàu pē<sup>n</sup>-ī<sup>n</sup> beh théh iòh, Sin-lâu ê i-su khòa<sup>n</sup>-liáu hit-tiu<sup>n</sup> piān-chóa, kā Bók-su kóng, “Su-ti-oh-nor-khuh-suh” chit-bī iòh-á lán chia ū, m̄-koh góa m̄-bat khòa<sup>n</sup>-kòe “Kha-le” chit-khóan ài-khùn-iòh. Chit-2-bī iòh āu--lâi kái-koat Bók-sū khùn-bîn ê khùn-jiáu, cheng-sîn kiān-khong kòai-lók.

Chiok-hok Bók-su “Sim-thé Kiān-khong chiáh 120.”

---